



ORDENANZA REGULADORA DA TAXA POR APERTURA DE GABIAS, CALICATAS E CALAS EN TERREOS DE USO PÚBLICO LOCAL, INCLUSIVE ESTRADAS, CAMIÑOS E DEMAIS VÍAS PÚBLICAS LOCAIS, PARA A INSTALACIÓN E REPARACIÓN DE CANOS, CONDUCCIONS E OUTRAS INSTALACIÓNS, ASÍ COMO CALQUERA REMOCIÓN DE PAVIMENTO OU BEIRARRÚAS NA VÍA PÚBLICA

Artigo 1. Natureza e fundamento

No uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das Bases do Réxime Local, e os artigos 20 e 58 da Lei 39/88, do 28 de decembro, e de conformidade co disposto nos artigos 15 a 19 da Lei 39/88, do 28 de decembro, acorda a imposición e ordeación da **Taxa por apertura de gabias, calicatas e calas en terreos de uso público local, inclusive estradas, camiños e demais vías públicas locais, para a instalación e reparación de canos, conduccions e outras instalacións, así como calquera remoción de pavimento ou beirarrúas na vía pública.**

Artigo 2. Feito imponible

Constitúe o feito imponible da Taxa, a utilización privativa ou aproveitamento especial do dominio público municipal polos conceptos que se sinalan no título desta Taxa.

Artigo 3. Suxeitos pasivos

Serán suxeitos pasivos desta Taxa as persoas físicas ou xurídicas e as entidades a que se refire o artigo 33 da Lei Xeral Tributaria que disfruten, utilicen ou aproveiten especialmente o dominio público local en beneficio particular, consonte algún dos supostos citados no artigo segundo.

Artigo 4. Responsables

- Serán responsables solidarios das obrigas tributarias dos suxeitos pasivos, as persoas físicas e xurídicas a que se refiren os artigos 38.1 e 39 da Lei Xeral Tributaria.
- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

Artigo 5. Cota tributaria

A cota desta Taxa será a que figura no anexo desta Ordenanza.



Artigo 6. Beneficios fiscais

Só se admitirán os beneficios que veñan establecidos nas normas con rango de Lei ou deriven de Tratados ou Acordos Internacionais.

Artigo 7. Dereito a percibir

Tense dereito a percibi-la taxa e nace a obriga de contribuír:

- Nos servicios de retribución puntual, no momento de presenta-la solicitude de concesión ou autorización do aproveitamento.
- Nos servicios de retribución periódica, percibirase a taxa o día primeiro de cada ano natural.

Artigo 8. Liquidación

- Cando se trate de servicios puntuais liquidarase e esixirase a Taxa correspondente en calidade de depósito previo, en todo caso antes de iniciar o expediente de concesión ou autorización do aproveitamento solicitado.
- Cando se trate de servicios de retribución periódica liquidarase a Taxa nos períodos que se sinalen na tarifa da Taxa ou na liquidación única anual.
- Se realiza o aproveitamento ou utilización do dominio público municipal sen mediar concesión ou autorización, liquidarase e notificarase a débeda, esixíndose o ingreso nos prazos previstos no Regulamento Xeral de Recadación para as liquidacións de contraído previo, sen prexuízo da apertura do oportuno expediente sancionador por infracción tributaria.

Artigo 9. Ingreso

O pagamento desta Taxa realizarase:

- Nas liquidacións de contraído previo, na Tesourería municipal ou nas entidades financeiras que na notificación se sinalen. En todo caso, o ingreso será anterior ó inicio dos expedientes de concesión ou autorización do aproveitamento interesado.
- Nas liquidacións por recibo ou padrón, nas datas e entidades financeiras ou oficinas que se sinalen no edicto de exposición pública do padrón.



Artigo 10. Infraccións e sancións

Nesta materia estarase ó disposto na Lei Xeral Tributaria e normativa de desenvolvemento.

Artigo 11. Normas de xestión

- As persoas ou entidades interesadas na concesión ou autorización para realizar os aproveitamentos sobre o dominio público municipal a que fai referencia esta Taxa, deberán presentar solicitude achegándolle o plano, o detalle da superficie do aproveitamento e da súa situación dentro do termo municipal. Con carácter previo á autorización ou concesión do aproveitamento, a persoa ou entidade interesada no aproveitamento aboará o importe da Taxa en calidade de depósito previo.
- No caso de denegarse as autorizacións, os interesados poderán solicitar a devolución da Taxa ingresada en calidade de depósito previo.
- Unha vez autorizada ou concedida licenza de aproveitamento entenderase prorrogada mentres non se presente a declaración de baixa polo interesado.
- Cando finalice o aproveitamento, os suxeitos pasivos formularán as declaracións de baixa no censo ou padrón da Taxa e surtirá efectos no período natural seguinte ó de presentación da mesma, podendo, no seu caso, prorratearse por meses. A non presentación da baixa determinará a obriga de continuar aboando a Taxa.

DISPOSICIÓN FINAL

A presente ordenanza fiscal, cunha redacción definitiva aprobada polo Pleno da Corporación na sesión que tivo lugar o 23.11.1998, entrará en vigor o día 1 de xaneiro de 1999.

Publicación B.O.P. : 3-02-1999

Modificacións realizadas:

	Acordo	Publicación B.O.P.
1ª	Pleno 13.12.2002	12.03.2003
2ª	Pleno 10.11.2003	26.12.2003
3ª	Pleno 08.11.2004	30.12.2004
4ª	Pleno 10.11.2005	29.12.2005
5ª	Pleno 13.11.2006	30.12.2006
6ª	Pleno 05.10.2007	11.12.2007
7ª	Pleno 02.10.2008	10.12.2008



ANEXO

Primeiro. Tarifa

I. Para a aplicación desta taxa terase en conta a clasificación de rúas que se transcribe a continuación:

RÚAS DO GRUPO A:

Avda. de Benito Vigo
Praza de Galicia
Rúa de Calvo Sotelo
Rúa Ulla
Avda. de Pontevedra (ata a Avda. de Marín)
Praza da Constitución
Rúa nº. 5 ou rúa Castelao
Praza de Martínez Anido
Rúa Capitán Bernal
Rúa Peregrina
Avda. de América
Rúa de Waldo A. Insúa
Rúa de Padrón
Praza da Igrexa
Rúa de Serafín Pazo (dende a Pza. de Galicia ata a Avda. de Benito Vigo)
Rúa de Pérez Viondi (dende a Pza. da Galicia ata a Avda. de Benito Vigo)
Rúa de Iryda (dende a rúa Justo Martínez ata a Avda. de Ponteareas)
Avda. de Ponteareas (dende a Porta do Sol ata a Avda. de Benito Vigo)
Rúa de Severino Trigo
Rúa Don Nicolás
Travesía de Vega de Armijo
Rúa Justo Martínez.

RÚAS DO GRUPO B:

Avda. de Pontevedra (dende a Avda. de Marín ata o final)
Rúa Fernando Conde (dende a Porta do Sol ata o cruce coa estrada de Vinseiro)
Avda. de Santiago
Rúa nº. 18 de Ordenación Urbana ou Rúa de Cerdedo
Rúa nº. 19 de Ordenación Urbana ou Travesía Avda. de América
Rúa nº. 20 de Ordenación Urbana ou rúa de Forcarei
Rúa nº. 5 de Ordenación Urbana ou Antón Losada Diéguez
Avda. de Vigo
Avda. de Venezuela
Travesía Irmáns Valladares
Rúa San Paio (dende a Pza. de Galicia ata o límite do casco de poboación)
Rúa Gradín
Travesía de Veá
Rúa Serafín Pazo (dende a Avda. Benito Vigo ata o límite do casco de poboación)
Rúa Pérez Viondi (dende a Avda. Benito Vigo ata o límite do casco de poboación)
Rúa Iryda (dende a Avda. de Ponteareas ata o cruce que sae da casa de Hrdos. de D.



Jesús Portela), ou rúa nº. 49
Rúa da Baiuca
Rúa do Muiño (dende a rúa Leicures ata o límite do casco urbán)
Rúa nº. 18 ou Travesía ou Prolongación Waldo A. Insúa
Rúa Marín
Rúa de Rosalía de Castro
Travesía do Cruceiro
Rúa nº. 24 ou nº. 58 das vixente N.O.S.P.
Prolongación da Avda. de Pontearreas ou Avda. da Torre (dende a Avda. de Benito Vigo ata o límite do casco de poboación)
Rúa do Matadoiro
Rúa Leicures
Rúa nº. 62
Rúa X ou nº. 13 das N.O.S.P.
Rúa Y ou nº. 11 das N.O.S.P.
Rúa nº. 14
Rúa nº. 29
Travesía da Igrexa
Praza da Feira

RÚAS DO GRUPO C:

Rúa de Iryda (dende a casa de Hrdos. de Jesús Portela ata o final)
Rúa do Cruceiro
Rúa da Cañoteira
Rúa Decoita
Rúa Penerada
Outros lugares do extrarradio e demais vías públicas do casco urbán non sinaladas anteriormente, enclavadas en solo urbano ou apto para urbanizar.

GRUPOS N e R:

Comprende as vías públicas enclavadas na zona rural do municipio.

II. A contía desta taxa obterase multiplicando os metros cadrados de superficie de firme afectado polo número de semanas (ou fracción) de duración das obras segundo a zona de que se trate.

Considerarase como superficie mínima suxeita 0,50 m². e como período mínimo ou fracción unha semana.

ZONA A.....	8,32 € / m ² semana
ZONA B.....	5,22 “ “ “
ZONA C.....	2,38 “ “ “
ZONA R e N.....	0,26 “ “ “

Segundo. Outras normas especiais de xestión

1. Cando se trate de autorizacións xa concedidas e prorrogadas, a taxa liquidarase e notificarase ós suxeitos pasivos con periodicidade mensual.



Concello
da Estrada

2. Consideraranse caducadas as licencias se despois de concedidas transcorren trinta días sen ter comezado as obras. Unha vez iniciadas estas, deberán de seguir sen interrupción.
3. Cando se trate de obras que deben executarse inmediatamente polos graves prexuízos que a demora puidera producir (fugas de gas, fusión de cables, etc.) poderán iniciarse as obras sen ter obtido a autorización municipal, con obriga de solicita-la licenza dentro das vinte e catro horas seguintes ó comezo das obras e de xustifica-la razón da súa urxencia.
4. Para a tramitación da solicitude da licenza, independentemente do depósito previo a que se refire o parágrafo primeiro, esixirase ó petionario garantía suficiente que cubra o custo da reposición da vía pública, segundo a valoración efectuada polo Arquitecto Técnico municipal en cada caso.
5. En todo caso, a reposición da vía pública ó seu estado inicial realizarase no prazo máximo de 15 días contados a partires da apertura da escavación.